



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

12. Sanitatem corporis eiuscmodi bonum esse, vt subinde ei corporis infirmitas fuerit pr[a]elata, vt in Aegidio fuit videre, qui sagitta ictus noluit sanari.

urn:nbn:de:hbz:466:1-45653

hoc iniquo destitere consilio. Et hoc verbum hactenus canunt omnes: nec tantum temporis labefecit, aut huius memoriam extinxit. Quot non sit hoc tropheis splendidius? Contempsit tantus Imperator contumeliam, ostenditque, se non sauciatum in statua sua. Idem nos cogitemus, si quis nomen nostrum verberat, quod aequè extra nos est, atque statua nostra...

Propriùs nos attingit bona corporis valetudo, neque est in nostra potestate, sentire, vel non sentire vim doloris que morborum. De hoc argumento alibi dicturus, in pauca rem conferam. Philosophi quidem hanc salubrem vitæ formam iubent teneri, ut corpori tantum indulgeas, quantum bone valetudini satis est. Durius tamen censem tractandum, ne animo male pereat. Cogitant enim in se, preter animum, nihil esse mirabile, cui magno nihil magnum est, nisi solus Deus; quoniam Deus magnus Dominus. Si ergo Deus magnus Psal. 94.3. voluerit, eos aegrotare; nec ipsam morbis anteponunt sanitatem. Hæc sola illis caussa sufficit, Deum velle: quamquam & aliæ suppetunt. Nam, cum corpus languet, animus viget; illo paciente, virtus agit; & carnis damnum, mentis est lucrum; quæ nunquam est fortior contra voluptates, quam cum homo aegrotat. *Cum in-* 2.Cor.12. *firmitor, tunc fortior sum,* ait Apostolus. Hac de caussa Platonici dicuntur philosophaturi, in vallibus ac locis paludosis & insalubribus, habituisse, ne, in luxuriante solo, etiam animus luxurians sapientiam repudiaret. Idem corporis frænum amârunt etiam Christianè philosophantes. Egidium memorat Fulbertus Carnotensis, ad Rhodani ostia, vitam solitariam egisse, cui, post longum & 1.5. c.4. quotidianum precandi, vigilandi, abstinentiæ studium, aliud Deus cruciamentum superaddidit. Nam cum, inter silvas latens, Deum veneraretur supplex, sagitta, à venatoribus, in incertum missa, eum grauiter sauciauit. Accepto vulnere, non modi hi-rurgum aut medicinam corpori admittere noluit, sed etiam Dominum enixè rogauit, ne quando læsa caro sanaretur. Interpretabatur enim vulnus diuinitus inflictum, vulnus amoris; quod incuratum, corporis dolore, ab animo arceret voluptatis cogitationes.

Circuibat quidem IESVS, sanans omnem languorem, & omnem infirmitatem in populo. Et abiit opinio eius in totam Syriam, & ob- Matth.4.23. tulerunt ei omnes male habentes, variis languoribus, & tormentis comprehensos, & qui demonia habebant, & lunaticos, & paralyticos, & curauit eos:

uit eos : & alij quidem eum adibant , alios autem ipse adibat : alij sibi , alij alijs sanitatem impetrabant , vtique recte : multi tamen inuenti sunt , qui morbos sanitati prætulerunt ; & surdi , quād audientes , cæci , quād videntes ; claudi , quād ambulantes esse maluerunt . Sæpe enim multò satius est , surdum esse , quād audi- re id , quod est absurdum ; præstat , in oculis ferre cæcitatem , quād vanitatem ; consultius est , ad cælum claudicare , quād talaria induere , & volare ad Infernum . Quæ & ipsa est doctrina Christi

Marci 9. 44. dicentis : *Si pes tuus scandalizat te , amputa illum : bonum est tibi claudum intrare in vitam eternam , quam duos pedes habentem mitti in gehennam ignis inextinguibilis . Item : si oculus tuus scandalizat te , eyce eum : bonum est tibi luscum introire in regnum Dei , quam duos oculos habentem mitti in gehennam ignis .* Quod ita cum alij multi viri præstantes , tum etiam Audomarus egregie heroicè sensit . Transferebatur , Attrebati , ab Auberto Episcopo corpus S. Vedasti . Adebat tunc , cum alijs , etiam Audomarus Teraanensis Episcopus , præsenio , cæcus . Hic , tum præsentium Episcoporum precibus , tum S. Vedalti meritis , recepit usum oculorum , rem vtique alijs speratissimam . At ille longè iudicauit secius . Etenim egre ferens , liberatum esse à cæitate , quam pro salute sua sibi à Deo immisam esse gaudebat , rursus ad votum suum excæcatus est . Adeò non magni fecit hoc corporis damnum , vt etiam in votis haberet .

XIII.

Sabellic.lib.
5. cap. 7.

Magnæ sunt utilitates oculorum , iucunditas excellens ; si tamen his hominem priuet Deus , solatio est , spes rerum longè iucundiorum , in cælo , videndarum ; præterquam , quod quædam iniuisa non posse videri , sit quædam voluptas . Pigmenius Romanus presbyter , vel ideirco , se oculis captum , æquo animo ferebat , ne quando illi Christianæ Ecclesiæ inimicos aspicere contigeret . Quod cum non ignoraret Iulianus Apostata Imperator , obuiam illi factus , per ludibrium , & magna ioci acerbitate illi dixit : *Gratias ago Dñs , ô Pigmeni , quod te video .* Cuiille respondit : *Gratias ago Deo meo , quod te non video .* Tam igitur fortia animo cætitatem pertulit , quād tyrannum contempsit . Dehinc Martyrj corona donans videre capit , qua oculus non vidit ; & audire , qua auris non audivit ; & intelligere , qua in cor hominis non ascenderunt . Verùm quid mirum est , si potuit patienter ferre oculorum noctem , qui adeò fortiter mortem ipsam toleravit ? Animus Deo coniunctus corporis morbos non recusat , si martyria ipsa optat ; quin , etiam in ipsis morbis , reperit suas